



# GARANTE KUALIDADE BA PRODUSAUN FINI KOMERSIÁL



## 1. Aplikasaun ba Kartaun RAA

Tinan-tinan Produtor Fini Komersial Rejistradu ida-idak tenke hato'o pedidu ba Departementu Fini MAP hodi hetan Kartaun Rejistrasaun Ai-Horis Anual (RAA). Iha kartaun ida ne'e nia laran produtor foo hatene atu sosa Fini Sertifikadu hira, ai-horis ho variedade saida, no area hira mak nia atu kuda hodi produs Fini Komersial. Produsaun Fini Komersial.



## 2. Inpesaun to'os no distribuisaun Kartaun RAA ho formuláriu KKA

Ofisiais husi Departementu Fini MAP halo inspesaun ba produtor fini komersial ida-idak nia to'os no entrega Kartaun RAA ho formuláriu Kontrolu Kualidade Anual (KKA).



## 3. Fini Sertifikadu hetan/sosa husi Departementu Fini MAP

Produtor Fini Komersial hetan/sosa Fini Sertifikadu husi Departementu Fini MAP tuir kuantidade ne'ebé autorizadu iha Kartaun RAA ho formuláriu KKA.




## 4. Inpesaun to'os iha epoka klaran

Wainhira ai-horis kuda ona, to'o epoka klaran Produtor Fini Komersial hato'o pedidu ba Ofisiais Fini Distritu MAP hodi halo inspesaun ba sira-nia to'os. Hotu tiha, ofisiais ne'e sei tau nia asinatura iha formuláriu KKA. Se karik produtor fini komersial la prienxe kritériu balun, maibe hatudu katak nia dala ruma bele rezolve problema ne'e, entaun ofisiais sei hakerek problema ne'ebé mak prezisa atu hadi'a iha formuláriu KKA nia laran. Se produtor konsege rezolve mak nia bele pasa inspesaun tuir mai.



## 5. Prosesamentu Fini Komersial no Revista

Produtor rasik mak prosesa no koko fini komersial, depois falun, fó marka no fó atu fa'an tuir kualidade ne'ebé mak hakerek iha label korderoza. Ofisiais Fini Distritu iha direitu atu koko kualidade Fini Komersial liu husi foti fini balu hodi koko iha laboratóriu Departementu Fini MAP nian. Se karik kualidade ne'ebé ofisiais hetan la hanesan dook hosi kualidade ne'ebé mak hakerek iha label, entaun tinan oin mai produtor ne'e karik la simu autorizasaun atu produs Fini Komersial, bele mos to'o lakon nia rejistrasaun.



## 6. Monitorizasaun/kontrola fini ne'ebé disponível ba fa'an bazéia ba KKA

Kompañia see-see deit mak hakarak sosa fini (ex. sosa hodi MAP nia naran ka komprador ka komersiante seluk), nia prezisa hetan kopía formuláriu KKA husi Produtor Fini Komersial ne'ebé mak atu fa'an fini ne'e. Wainhira konkorda ona atu sosa fini ne'e maka komprador hakerek kuantidade ne'ebé sosa iha formuláriu KKA ne'e, depois nia asina no tau karimbu. Vendedor ho komprador ida-idak rai kopía husi formatu ne'e. Ida ne'e atu garante katak Produtor ne'e fa'an Fini Komersial tuir deit kuantidade ida ne'ebé autoriza tiha ona ba nia atu produs iha tinan ne'e. Kuantidade ne'e mos tenki iha ligasaun ho kuantidade Fini Sertifikadu ne'ebé produtor ne'e sosa iha tinan ne'e husi Departementu Fini MAP ho mos area ne'ebé nia kuda tuir Kartaun RAA.

